

東
西
洋
史
講
義

東西洋史講義目錄

第一編 上古期

第一章 緒言

第一節 世界文化最古之國

第二節 世界種族

第二章 東洋諸國

第一節 印度

第二節 印度各邦 條支大夏安息大月氏爾

第三節 埃及

第四節 西亞細亞各邦

第三章 西洋諸國

第一節 希臘

第二節 亞歷山大帝國

第三節 羅馬

第四節 羅馬帝國

第二編 中古期

第一章 東洋諸國

東西洋史講義 目錄

東西洋史講義 目錄

第一節 印度及西亞諸國

第二節 後印度

第三節 朝鮮

第四節 日本

第二章 西洋諸國

第一節 東羅馬

第二節 法蘭王國

第三節 法蘭帝國分裂神聖羅馬帝國之興

第四節 英吉利

第五節 教王與聖羅馬帝爭權

第六節 十字軍

第七節 英法之交涉

第八節 神聖羅馬帝國

第九節 教權之衰微

第十節 英法百年之戰

第十一節 百年戰爭之結果

第十二節 西班牙

第十三節 土耳其滅東羅馬

第十四節 探求新地

第三編 近古期

第一章 東洋諸國

第一節 亞洲西部各邦

第二節 印度蒙古帝國

第三節 後印度諸國

第四節 日本

第二章 西洋諸國

第一節 宗教改革時代

第二節 宗教改革之影響

第三節 法國之強盛

第四節 俄羅斯之興

第五節 普魯士之興

第六節 北美合衆國

第七節 法國革命

第八節 拿破崙之興亡

東西洋史講義 目錄

第四編 近世期

第一章 東洋諸國

第一節 南亞各邦

第二節 南洋各島

第三節 中亞西亞各邦

第四節 日本之興及朝鮮滅亡

第二章 西洋諸國

第一節 君民之競爭

第二節 法國內亂及帝國中興

第三節 意大利王國之興

第四節 德意志之統一

第五節 土耳其分裂

第六節 歐洲最近事略

第七節 北美合衆國之統一

第八節 非澳二洲之殖民

第三章 結論

東西洋史講義

甯鄉 傅運森 述

第一編 上古期

第一章 緒言

第一節 世界文化最古之國

太古之事遠矣。其傳於後者。大抵荒唐無稽之言。難以憑信。所可知者。惟世界文化最古之國。凡六。曰中國。曰印度。曰埃及。曰巴比倫。曰秘魯。曰墨西哥。秘魯二國古史。今已無徵。然其原民。爲印度安人。卽建此二古國者也。印度原民。爲達羅維荼人。巴比倫原民。爲阿闍底人。則皆創印度巴比倫之文化。而傳於白種者也。夫印度安達羅維荼阿闍底三族。皆黃種也。惟埃及人爲含族。屬於白種。然其人乃由西亞細亞而來者。是其文化。亦受之於黃種耳。巴比倫埃及之文化。傳之於希臘羅馬。希臘羅馬傳之於歐美各國。以成今日之富強。故西洋之文化。實受之於東洋。黃人植其根。白人蕃其實。此所

以東洋史與西洋史。二者互相關係。承學之士。宜合而并究之。不可偏廢也。

第二節 世界種族

世界種族。可分之爲三。一曰圖蘭種。卽黃種。二曰高加索種。卽白種。三曰尼格羅種。卽黑種。亞洲爲黃種所居之地。歐洲爲白種所居之地。非洲爲黑種所居之地。近古以來。白種日盛。若美洲。若澳洲。亦爲白種據而有之。而亞洲西部。非洲北部。及亞洲南部之印度。則自上古時。已爲白種所蕃殖。而建國於其間矣。今分表世界之種族於左。

(一) 圖蘭種

- (甲) 中國 日本 朝鮮 緬甸 暹羅 安南 及 馬來人 印度之達羅維茶人
- (乙) 北部亞細亞 中部亞細亞 及 俄羅斯東部之游牧人民
- (丙) 土耳其人 匈牙利人 芬蘭人 拉伯蘭人 巴斯克人 (均在歐洲)

埃及人


(甲) 含族 (亦作哈密特族) 里比亞人 (在埃及之西)

庫希人 (在阿剌伯及埃及之南)

亞述人 (亞述亦譯亞西利亞)

巴比倫人

(二) 高加索種



條頓人
德意志人

荷蘭人

英吉利人

俄羅斯人

波蘭人

斯拉夫
波希米人

保加利亞（亦譯布爾嘎里亞）人

塞爾維亞人

（二）尼格羅種

（甲）中部非洲及南部非洲之土人

（乙）澳大利亞洲及巴布亞島之土人

他如美洲之印度安人。亦屬黃種。然有別稱之爲紅色人種者。亦猶馬來人。或別稱爲棕色人種也。總之世界之人種。不出此三者。而黑色人種。則於東西洋史。均無價值焉。

第二章 東洋諸國

第一節 印度

雅利安人占印度。印度原民爲達羅維荼族。西元前二、三千年間雅利安人由圖蘭、低原南下分爲二支。一支西趨伊蘭高原。後爲波斯雅利安族。一支東沿印度固斯譯亦庫與部山麓而入印度河流域與原民戰爭。凡數百年遂占領般遮布譯亦之地。是爲印度雅利安族。卽今之印度人也。其時農工技術頗發達。梵語亦已完成。惟事實埋晦。僅有印度古經曰毘陀者誌其崖畧。迨族類日繁。拓地日廣。卽同族亦自相戰爭。互有勝敗興亡。其殖民則益趨於東方。西元前一千年間遂達於恆河之畔。分建王國於恆河上下游。波羅帝戶、僑薩羅二族爲最著。其事實散見於印度兩詩史中。於是北自須彌卽喜馬山麓南至賓頭卽文得山麓悉爲雅利安人所蕃殖。至西元前第八世紀以後雅利安人遂領有全印度。

婆羅門及諸學術之興。方雅利安人占領恆河流域之時始有族級之區別。分爲四族。亦曰四種姓曰婆羅門爲僧族。曰刹帝利爲王族。曰吠舍爲商族。三者皆雅利安人也。稱印度原民曰旃陀羅爲四族之最賤者。婆羅門掌祭祀教育。奉大梵天王爲主神。其種最爲尊貴。王族任保國治民之責。尊貴亞於婆羅門。惟研究學術。專屬婆羅門之事。故

其時醫術算術星學辨學皆由此興。西元前八世紀以後。文化益播於東南。諸哲學駁駁而起。凡分六大派。曰彌曼薩。爲聲論派。曰僧佉。爲數論派。曰尼夜耶。爲因明派。曰衛世師。爲勝論派。曰吠檀多。爲毘陀派。曰瑜珈。爲思維派。當哲學盛興之際。婆羅門於教規及人民之法律禮制亦多所規定。先後有法典二十餘種。最著者爲摩奴法典。此法典專因優遇婆羅門而設者也。摩奴亦譯馬努

佛教之起 婆羅門於宗教既專有大權。又研究哲學及其他學術。遂附會梵天。梵即天

王苛虐他種姓。刹帝利族先起抗之。旣而婆羅門中哲學者亦多詆己種之非。甚至有議及毘陀經典者。於是婆羅門種姓根柢漸動搖。佛教祖師釋迦牟尼乃起於北印度。釋迦牟尼者。姓瞿曇。名悉達。釋迦其族也。迦毘羅王之子。生於西元前五百五十六年。周靈王十六年迦毘羅本小國。介居僑薩摩揭陀兩大國之間。而屬於僑薩羅。釋迦牟尼年二十九。棄世子位。爲沙門。西元前五百二十年。成道於尼連禪河畔之菩提樹下。遂得佛陀之稱。與諸弟子說法四十五年。往來僑薩摩揭陀兩王城。及恆河諸地方。謂一切衆生皆爲平等。皆能得無上正覺。此其教義正與婆羅門之區別貴賤者相反。其理

想又精微宏大。一切哲學皆所不及。故四方翕然附之。年八十而沒。佛在世時。伽毘羅被滅於僑薩羅。釋迦族殲焉。

第二節

印度各邦

息條支大夏安
大月氏附

摩揭陀諸朝。僑薩羅者。恆河古大國也。摩揭陀則與東方之羯陵伽南方之案達羅西方之蘇刺陀諸王國俱強盛於六世紀以後。而摩揭陀最有名。稱雄中印度。其第一王朝曰醯須那伽。傳至四世王名頻毘沙羅。及其子阿闍世王。皆與佛同時。頻毘沙羅都王舍城。保護佛教。增進國力。阿闍世王以西元前四百八十五年繼位。周敬王二十二年滅僑薩羅。擴版圖於西北。遷都吠舍離。及華子城。武功甚著。傳四世。至西元前三百七十八年。周烈王六年為難陀朝所滅。而印度之西方有波斯王達理阿。亦譯大流士於西元前五百十八年。周敬王二年用兵印度河流域。掠般遮布為波斯之一州。此即頻毘沙羅王之時也。至西元前三百三十年。周顯王十九年希臘之馬其頓王亞歷山大滅波斯。復進攻印度。西北諸國皆降服。希臘人深入。欲至恆河。軍疲。乃置戍而去。是時難陀朝立國已五十年。勢日衰。其臣旃陀羅笈多滅之。於西元前三百十六年。周慎王五年即摩揭陀王位。是為孔雀。

王朝。領有恆河流域。建都華子城。復出兵印度河。逐希臘戍兵。併吞般遮布諸部。亞歷山大之故將條支王塞留哥。率軍來爭。不能勝。終講和。妻之以女。盡畀以般遮布及喀布爾之地。中北西三印度。自古以來。諸國并立。至是始統而爲一。有雄兵六十三萬。象隊九千。世號爲大旃陀羅。笈多王。與羯陵伽案達羅蘇刺陀三王國并雄於印度。其孫達摩阿育王。以西元前二百六十年。周赧王十五年由般遮布總督而嗣王位。席父祖餘威。用兵四征。滅東隣羯陵伽。奄有孟加拉及俄里薩之地。其國境西自印度河。東至蒲蘭布達河。勢力振興。諸鄰邦咸納貢修好。王欲收一統之效。以佛教爲帝國之教。蓋孔雀王朝出於旃陀羅種。姓故屏婆羅門教。而取佛教也。因頒詔各地。勒其文於石崖及石柱。勸遵佛教。又遣宣教師於四方。北至雪山邊國。及迦涇彌羅。南至德干高原。及師子國。東南至金邊國。西至東那世界。及希臘五王國。五王國者。條支埃及馬其頓希臘伊庇魯斯。亦作愛羅斯也。佛教因之宏布於世界。而達摩阿育王之名亦遠播東西矣。及達摩阿育王死而國衰。西元前一百七十八年。漢文帝二年爲其將所篡。稱僧伽朝。條支大夏安息之興亡。自亞歷山大之去印度。未幾而殂。帝國分裂。成敘里亞埃及

馬其頓諸王國。敘里亞。卽條支也。其王塞留哥。洛亦譯錫奄有西亞細亞之地。與摩揭陀和親。始都巴比倫及塞留家。洛亦譯錫復西遷於地中海濱之安提阿。以防馬其頓埃及之侵凌。而東方轉疏於戒備。西元前二百五十五年。周亡後巴克特里亞鎮將帖阿多斯。遂叛條支。建巴克特里亞王國。是爲大夏。同時塞克提亞酋長阿息克。亦崛起於波斯北方。建帕提亞王國。是爲安息。西元前二百二十三年。秦始皇二十三年條支王安提阿第三卽位。世稱曰大安提阿王。西攻埃及諸國。東伐安息大夏。其後復與迦太基。亦譯加爾察奇馬其頓同盟。以拒羅馬。爲羅馬所敗。割小亞細亞全部以和。條支由是大衰。西元前一百七十四年。漢文帝六年安息王密特里達。遂代之興起。時大夏方經營阿富汗及西北印度。安息王乘機蠶食其邊。復西侵條支。盡奪哀甫拉特。亦譯阿付臘底斯河以東之地。大夏既被逼於安息。又爲大月氏所侵攻。其國瓦解。至西元前六十五年。漢宣帝元年條支亦爲羅馬所滅。於是安息獨爲西亞之強國。西與羅馬。東與大月氏。相競爭。大月氏之盛衰。月氏蓋西藏族。秦漢之際。居於敦煌祁連之間。時與匈奴爭。後屢戰輒敗。國王陣沒。餘衆西走。攘取塞種所據之伊犁。旋又爲烏孫所逐。而南移於阿母河。

東西洋史講義 上古期

十

5

濱。因滅大夏。建大月氏國。事在西元前一百二十八年。漢武帝元其後邱就卻王在位。西破安息。南併高附。大夏殘部所立之國在今喀布爾更伐罽賓。塞種所立之國在今克什米爾至其子閼膏珍王。遂滅塞種。併北西兩印度。建都於罽賓。即西元前二十五年。漢成帝建也。其時南印度之案達羅王。亦滅摩揭陀之康維阿朝。康維阿朝共一百五十七年為中南兩印度之霸主。威被於西部海岸。於是大月氏案達羅兩大國并峙於印度。至西元十年。王莽始建大月氏迦膩色迦王嗣位。益征伐四鄰。以擴疆宇。盡有印度河流域。及蔥嶺東西。其版圖較之達摩阿育王時。尤為廣大矣。先是佛沒之歲。阿闍世王使佛弟子五百人。大會於王舍城。撰述佛經。稱第一結集。歷百年。而迦羅阿育王。會比丘七百於吠舍離城。開第二之結集。後達摩阿育王。更命大僧。會衆千人於華子城。開第三結集。至迦膩色迦王。復會僧衆五百於迦淫彌羅。即克什米爾重定三藏。鏤其文於銅牒。是為第四結集。其教遠至安息。康居諸國。漢明帝來求經。亦在此時也。西元二百十八年。漢獻帝建安波斯薩山朝滅。安息而興。蠶食大月氏之地。西北印度。則為罽饒夷諸國所分據。至四百三十年。宋文帝元嚧嚧起於北方。逐大月氏。而有其國。後六年。案達羅亦為罽饒夷所亡。

第三節 埃及

埃及歷朝 埃及在非洲東北。其國有尼羅河。年年水漲。地以豐饒。文化之早開。實基於此。其人爲含族。高加索人種也。西元前五千年間。有綿斯者。平定諸部。奠都尼羅下游之孟非斯。爲埃及肇國之祖。是爲第一朝。至第三朝。而文字作用之道始開。至第四朝。而金字塔之建築尤盛。至第六朝。而孟非斯王國遂終。綜斯六朝。其政治所被之區。似不甚廣。北不能有三角洲。南不能有上埃及。第六朝以後。尤爲微弱。各州分立。至第十一朝。而埃及主權遂移於底比斯。卽第十二朝也。爲埃及文化最盛之世。迨阿剌伯之游牧種族。覆底比斯而有之。立中央集權之制。奉一神之教。歷五百年。又爲底比斯侯阿美斯所驅。阿美斯爲第十八朝。武功極盛。遠征亞細亞。直至哀甫拉特河。握西南亞細亞霸權。十九朝時。與西亞之契姆王國。卽舊約書之赫人戰爭數四。卒締約和親。其後數朝。值國家多事。先見併於哀提伯。亦譯埃及。南埃及。黑人所建國。旋復爲亞述所滅。埃及文化。埃及爲專制之國。僧族、武族最貴。得役屬平民。宗教爲多神教。而日神最尊。且信輪回之說。故有木乃伊之法。保存亡體。其國農業、夙盛。堤埭陂塘之制。尤爲講

求。遂以豐富聞於鄰國。稱之曰世界穀倉。又善畜牧。精工藝。織染及製造玻璃。皆有盛名。建築莊嚴宏大。如金字塔。方尖碑。獅身人面像。實千古之鉅觀。文字爲象形。製荏葦羅生於尼羅河邊爲紙。寫之於上。卷爲軸而藏之。至於繪畫雕刻。則形式複重。殊少變化。詩歌音樂。亦有傳者。科學。則天文幾何。最爲發達。化學鑛冶醫術次之。其都府之最著者。爲上埃及之底比斯。下埃及之孟非斯。而瑞斯諸地。亦著稱於歷史。王宮神殿。羅列其間焉。第十九朝時。於尼羅河紅海間。創開鑿運河之盛業。爲蘇彝士運河之先聲。尤可紀念者也。

第四節 西亞細亞各邦

前巴比倫 文化之古。與埃及伯仲者。爲美索不達米亞之前巴比倫。美索不達米亞。

在西亞細亞中部。介於哀甫拉特體格力斯格亦譯底兩河之間。向爲黃人繁殖之地。曰

阿閩底族。文化早開。樹藝文字。皆甚發達。西元前四千年間。爲含族一作四族所滅。據美索

不達米亞南部。名迦勒底。或作亞加建合衆王國。是爲前巴比倫。西元前二千三百年。爲

埃蘭在體格東南力王國所滅。并征服契姆。埃蘭契姆。皆黃人種。至西元前千五百年。復爲